

رشوت عرض اولئان کیمسه اول رشوتی کرک المزدن مقدم و کرک الدقدنصکره
آخر طرفدن طو بلقمسزین نهایت ایکی ای طرفنده درسعادته مقام و کالت
کبرایه و طشره رده ایسه بولندیغی محکام ال یوک مأمورینه و مجلسنه خبر
ویرر واقچه بی الدیغی صورتده تسلیم ایدر ایسه حقنده معامله تحسینییه
اجرا اولتور و اگر اقچه هنوز النماش ایسه جزای نقدی اولق اوزره
اول مقدار اقچه راشیدن اخذ اولندقدنصکره بالاده بیان اولندیغی
وجهله راشی حقنده معین اولان دیگر جزالرخی اجرا قتلور

سکسانجی ماده واردات دولتک احاله سی خدمتنده بولسان هر کیم
اولور ایسه اولسون واردات دولتی آخر طالبی واریکن برندن اقچه الهرق
ویا خود منفعت ذاتیه سنه باقهرق دون بهایله احاله ایدر ایسه بونی ارتکاب
ایدن مأمور اموال دولت سارق حکمنده اولهرق بروجه آتی دردنجی فصلده
سکسان ایکنجی ماده ده معین اولان سرقت جزالریله مجازات اولتور

سکسان برنجی ماده برکیمسه دیگر کیمسه به برجنایتی ایشلمک ایچون
رشوت ویررایسه واول جنایت بالاده ذکر اولئان رشوت جزالندن دهها
آغر برجزایی ایجاب ایدن جنایتلردن اولورایسه ابتدایه تشی یعنی اقچه بی
الوب اول جنایتی ایشلیاندن یالکیز تعاطی اولنش اولان اقچه الدقدنصکره
کندوسی و کرک راشی یعنی اقچه بی و یروب واول جنایتی ایشلمش اولان
کیمسه و بونلر اراسنده واسطه واریسه اشجو جزا قانوننامه همایوننده اول
جنایتی ایشلیان وایشلدن وواسطه اولنلر حققرنده معین اولان جزالریله
مجازات اولتورلر

* (درنجی فصل) *

* (سرقت اموال میریه وارتکابات ساره) *

سکسان ایکنجی ماده هر کیم اموال و اشیای میریه بی نقد او عینا سرقت
ایدر ایسه سرقت ایش اولدیغی شی ایکی قات اولهرق کندوسنندن